

Mataù Guihalon

octante ète

A mon grand père.

Le père Roussè nous a tchitté
Mais sù Radio-Amérique est tourjou la même ribotée ;
Victor Frogè s'en est allé
et not' tchulture continue à ète cotie et étchessée.

Astour v'la Mataù qui s'en va
mais à lou fâillie boète à goules ya tourjou les mêm' causeries.
Demezè Gaston n'est pû la
et de not' langue dans les écoles nos éfants n'ont còr rin oui.

La mi-àù est déjà enterrée
mais on est còr lin d'ava pu roler tous nos andins
Vayci bintôt la Saint Michié
et dans not' solié i manqu'ra bin d'la paumelle et du fin.

Les averiaùs vont nous laissè
mais ya còr bin des dégoulineries du Tanio dans not' iau ;
Tous mes deits commencent à guerroué
et j'veis déjà dans not' courti s'enfaloté les vaniaùs.

Ya moins d'vieux autour du foyé
mais des jiènes tchittent lou chomettes pour v'ni d'o nous veir les béluettes.
On ara moins freit en janviè
et d'o ieux la s'ra moins dur de desembourbè la chérette.

La Peinière le 23 du meis d'au 80

